



Khutba Jummah

HADHRAT KHALIFATULLAH

Munir Ahmad Azim

02 Janvier 2014 ~
(10 Rabi'ul Awwal 1436 Hijri)

ROYAUME-UNIS/ANGLETERRE

(Résumé Khutba)

Après ki li fine saluer tous so bane disciples (et tous bane musulmans) entier le monde – **en mentionnant bane l'iles avoisinants, l'Inde, Trinidad et Tobago etc.** – par la salutation de paix en Islam, Hazrat Khalifatullah (atba) fine commence so Khutba Jummah comme d'habitude avec Tashahhud, Ta'uz, Surah Al Fatiha, et ensuite li fine dire:



Le Saint Prophète (saw) ti né le 12 Rabi'ul Awwal. So papa ti Abdullah garçon Abdul-Muttalib et so maman ti Amina, tiffille de Wahab. C'est dans l'année de l'éléphant, ki Abraha ene Abyssinien, à la tête d'ene l'armée de bane éléphants fine mette zot en marche vers la Mecque pour attaque la Mecque et avec l'intention pou détruire Kaa'ba Shareef. La marche de bane éléphants ti effraye bane Arabes, mais Allah fine fer dessane ene masse de bane créatures volants ki ti lance bane roches lors l'armée d'Abyssinien. Sa l'évènement là fine marque l'histoire parski après ki Allah fine nomme Muhammad (saw) comme prophète, plus tard, Allah fine

révèle li saki ti arrive Abraha et so l'armée dans l'année de so naissance. Sa Surah là c'est Surah Al-Fil (L'Eléphant: chapitre 105). Allah rapporte là-dans couma Li fine écrase zot et zot bane plans maléfiques.

Le Saint Prophète Muhammad (saw) ti vine change le cours de l'histoire de l'humanité. So naissance ti couma ene source de lumière ki fine illumine péninsule arabe et le monde entier.

D'après plusieurs versets Quran et bane traditions prophétiques, nous trouve la magnificence du Prophète, que ce soit dans so bane caractéristiques physiques, et dans so caractère. So beauté physique li comparable à la beauté de quatorzième lune; et bien plisse encore! Plusieurs de so bane compagnons

fine donne bane détails lors so bane caractéristiques physiques et lors so caractère. Le Prophète (saw) ti ena ene bel constitution. Li ti de teint blanc; ene blanc splendide. So front ti large, et place entre so bane sourcils ti clair couma l'argent pur et so bane liziés ti bien joli, et pupilles de so liziés ti noirs. So bane cils ti bien abondants. Quant à so néné, li ti mince, et li ti ena ene visage doux. So la barbe ti épais, et so licou ti bien joli, ni trop longue ni trop courte, au point ki si soleil tappe lors là, sa ti pé ressemblé couma ene coupe d'argent mélangé avec l'or. En plisse de sa, l'espace entre zépauls du Prophète (saw) ti large et so cheveux, ki ti ni mince, ni bouclés, ti pé presque touche so zépauls. Aisha, so épouse bien-aimée fine dire : « *Cheveux bénie du Messenger d'Allah (saw) ti plus longue ki cheveux ki arrive ziska lobes zoreille et plus courts ki cheveux ki arrive ziska zépauls.* » Li ti ni grand ni petit.

Le Messenger d'Allah Béni ti reflète ene simplicité exemplaire. Li ti honnête, gentil, doux et serviable. Même dans l'adversité, li ti pé maintenir ene calme exemplaire. Bien ki li ti illettré et ene dimoune sans l'éducation, mais c'est Allah Li-même ki ti vine so plus grand professeur. Li ti pé même montré li courtois envers so bane l'ennemis. Au moment de la conquête de la Mecque, bane Mecquois, ki ti ene fois bane ennemis féroce de l'Islam fine vine la majorité d'entre zot bane musulmans. Parmi sa bane l'ennemis ki ti accepté l'Islam, ti ena ene missié ki ti touye so tiffille Zainab et ene l'autre ki ti appelle Ikrima, garçon de so pire l'ennemi, Abu Jahl. Dans la victoire de la Mecque, assassin de so tiffille fine reconnaite so crime abominable, et fine demande ene pardon sincère au Prophète Mohammad (saw). Li fine reconnaite la vérité de l'Islam et fine vine musulman. Le Prophète (saw) ti touché par so regret et so l'engagement à l'Islam. Li fine généreusement pardonne li.

A la fin de so mission, le Prophète (saw) fine recevoir le verset confirmant l'unité sans égale de bane révélations, « ***Aujourd'hui, Mo fine parachève pour zot zot religion, et fine accompli Mo bienfait lors zot, et Mo fine choisir l'Islam pou zot comme religion.*** » (Al-Maida 5: 4)

Le Saint Prophète Mohammad (saw) ti ena donc la tâche pou confirme bane révélations ki ti vini avant, pou mette zot à jour, et complète zot. L'Islam li ene récapitulation, ene sommaire de tous bane révélations. C'est pourquoi le Prophète (saw) en raison de so universalité, li présenté aujourd'hui comme le Prophète pour zot tous; li pas la propriété d'aucaine race, peuple, origine ethnique. Li fine complète bane révélations de bane anciens prophètes (as), en ouvrant à l'homme du passé, d'aujourd'hui et de demain la facilité pour vivre au-delà de bane nombreux épreuves ki sa le monde là imposé. Guette couma le Prophète Muhammad (saw) fine enseigne la communauté musulmane ki la meilleure façon de respecter so propre religion c'est pour respecter la religion de l'autre. En prononçant le *Kalima* (ou *Shahada*) – Le premier pilier de l'Islam – ene kikaine pé attesté et confirme la prophétie de tous bane prophètes, sans distinction.

Que ce soit dans l'île Maurice ou ici dans l'Angleterre, la différence de nous bane cultures li ene terrain fertile pour ki tous dimoune vine ensemble, pou rivaliser (dans bons travaux) avec l'autre, pou donne le meilleur de zot mêmes afin pou construire ene monde meilleur. Nous ena sa capacité là. Bondié dire dans le Coran : « ***Si Allah ti oulé, Li ti pou fer zot tous ene sel nation (unis dans la religion), mais (Li ena l'intention) pou tester zot dans saki Li fine accorde zot ; alors fer compétition dans (tout) saki bon...*** » (Al-Maida 5: 49)

Louange à Allah, Maître de l'Univers. Ki la paix et bane bénédictions d'Allah lors le Prophète Muhammad (saw) et ki la paix lors tous bane prophètes d'Allah. *Ameen.*